

[illegible][illegible]

▷ ၄၃၇၀

[illegible]

$\rho^{\epsilon} \Gamma_{\Delta} \omega^b$

[illegible]

ᄒᄒΔ^c Δ^b↗Δ^c↘

[illegible][illegible][illegible]

ΛP^{qb}⊃ ΔLL ⊃ bⁱ₇q₀ ^{qb}⊃ b^Δ⊃ Δ^c

[illegible]

[illegible][illegible][illegible][illegible]

[illegible][illegible][illegible][illegible]

$$\underline{\triangle^b C, \triangle^c}$$
[illegible][illegible][illegible][illegible]

[illegible][illegible] $\triangleright \Gamma^{\omega} L \Delta^c$ [illegible][illegible]

[illegible][illegible][illegible]

ᄒᆞᆫ ᄂᆡ ᄇᆞᆯᆺ ᄇᆞᆯᆺ ᄇᆞᆯᆺ

[illegible]

[illegible][illegible][illegible]

[illegible][illegible]

$\Delta \nabla^b d^c$ $\cap p^{\epsilon} b^{\epsilon} c^{\epsilon} \supseteq \cap^{\epsilon} \Gamma \triangleleft^c$

[illegible][illegible]

[illegible][illegible][illegible]

σ^ρτ^λ π^μϕ^κ α^βγ^δζ

[illegible][illegible]

[illegible][illegible][illegible]

Ataniuyunut Nainaqhimayuk

Tamna Haningayuk Kuugaq Havanga (tamna Havanguyuk) havikhaqhiuqtun guulit havanguyuk nanminigiyan Sabina Guulit Silverlu Kuapurisan (Sabina-kut) tahamani Kitikmeotni nigingani Nunavut. Tamna Havanguyuk ilalik pingahunik atuqniqhanik nunat: tamna Goose Havakvia, tamna George Havakviam tamnalu Tagiumi Iliuqaqvik Nuna (MLA-nga) inilik tahamani nigingani hinaani kanangnata Kingaok. Sabina-kut hanaiyaqhimayan Avatiliqutit Aktuanit Uqauhiit (EIS-ngi) naunaigahuaqhugin nainaqnitlu pilaqniyt avatiliqutitut inuliquititlu aktuani piplugit taphumunga Havanguyuk, ilagiplugitlu tapkuat piyaqaqnit titigaqhimayut tapkunani Nunavutagauiyuk Angigutit (Nunavutagutit) tapkuatlu Nunavut Avatiligiyit Katimayit (NIRB-kut) Naunaipkutat Hannaiyaqnit tapkuat Avatoiqutitut Aktuanit Uqauhiit taphumunga Hanningayuk Kuugaq Havanguyuk (NIRB Titigaqutut Nappaa 12MN036; NIRB 2013). Una taiguaq tapkununga EIS-ngi hatqigutauyut naunaiyaqnit pilat avatiliqutit aktuanit nunaliquititut avatigiyai piqatai uuktugutauyumun Havanguyuk huliniit tukhigautaulgaqtitlugu ihuaqhiagutit aulatauninutlu piyaunit.

Tapkuat pinahuaqta pilat Pinnagiyauni Uumatyutin Ilagiyait (VECs-ngi) pipkaqta Sabina-kut hivuliqtai inungnut uqaqatigiknit, atuqni Iliqutit Ilihimani (TK-ngi), maligaligiyn uqaqatiginit maligaligiynlu ihumagiqhiutitni tahapkuatut nunguttailinit qanugitni allatqit uumayut ilagitluniit, atugahuaqinutlu hatqitqitai talvani NIRB-kut EIS-ngi naunaipkutat (NIRB 2013). Tapkuat *Inuit Iliqutit Ilihimani tapkuat Sabina-kut Guulit Silverlu Kuapurisan, Hanningayuk Kuugaq (Hannigayok) Havanga, Naonaiyaotit Iliqutit Ilihimani Havanguyuk Tuhagakhaliat* (KIA 2012) ihumagiyauiyut akhut tapkununga TK-ngi tuhagakhait. Piplugit tahapkuat piqaqnit, tahapkuat nunaliquitit ilagiyai tikkuqaqtauiyut tapkuangunit VECs-ngi: nauhimayut taihimayutlu nunap qanugitnit, tukut, akhait, umingmait, qalviit mitqulgitlu, tikitpaktut tingmiat, kilgaviitlu. Nunaliquitit, qiqumainaqniq, nunaplu qanugitnia nunatlu ihumagiyauiyut Pityutaunit Titigaqni tamaitalu piyalgit ilaliutitni uumani taiguani.

Pilat aktuanit nunaliquititut angutikhatlu VECs-ngi naunaiyaqtauiyut akuttuyumik tahamani Nunalikni Naunaiyaqta Nunat (LSA-nga) attaqtuqniqamiklu Nunaliit Avikhihmaniani Naunaiyaqta Nunat (RSA-nga). Tamna nunaliquitit LSA-nga pihimaya 1,344 kilaamitat kikagiktumik ilagiplugit Goose tamnalu George Pilat Pivaliatitni Nunat (PDAs-ngi), tapkuat ilagit tamaita uuktugutauyut Havanguyuk havagutai taphumunga Goose tamnalu George Havakviit Nunat, tukligiknit, tamna MLA-nga PDA-nga, tapkuat ukiumi apqutit atatyutai tapkuat Goose, George, tamnalu MLA-nga PDAs-ngi, tamnalu uigutyuta (1 tikitlugu 5 kilaamitat) avataani tahamna hilataani kikligiya tapkuat PDAs-ngi apqutitlu. Tapkuat nunaliquitit RSA-ngi ilagit tapkuat LSA-ngi, tamnalu 35 kilaamitat uigutyuta naliakni haniani tamaita uuktugutauyuk Havanguyuk havagutai ukiumilu apqut aulagiangi akungani tapkuat pingahut PDAs-ngi piplugitlu mikhaani 12,620 kilaamitat kikagiktumik. Tamaita pilat Havanguyumun aktuanit naunaiyaqtauiyut atuqtitlugu Havakvik Hannaiyaqnia, Hanayaunia, Aulani, Halumaqtigaunia Umiknialu, Umikhimaliaqtitlugulu Havanguyuk tukligiknit, pinahuaqhugin “ihuinaqpaulat-piplugin” atulaqnit piyauiyutit tahapkuat tukligikhat pihimanit anginiqamik aktuanit tapkununga VEC-ngi uqauhiuyut. Taihimayut piyaqniqtut ihumagiyauiyut atquniani naunaiyainiq, ilautitlugit tapkuat *Uumayut Allatqit Nungunahuqniq Piquyat* (SARA-ngi), tapkuat *Tikitpaktut Tingmiat Maligait Piquyat*, tapkuatlu *Nunavut Angutikhat Piquyat*.

Tahapkuat hatqitqatuiyut nainaqhimanit atuqtunut avatiliqutit, atuqniqhat Havanguyuk huliniit piniagahugiyauiyut piqataitut tahapkuat nunaliquitit VECs-ngi, ihuaqhiagutit piyaunit, aktuanit naunaiyaqni, atuqqatalu, katihimanit aktuanit naunaiyaqni atuqni nunaliquitit VEC-ngi.

Uyagaliqutit

Tamna Goose tamnalu George PDAs-ngi inilgit tahamani ungalata pingangnani tiqitquani taphuma Slave tamnalu Churchill Uyagaliqutit Inigiyait. Tamna Tagiumi Iliuqaivia Nuna (MLA-nga) piqaqnihaq Atpagut tahaphuma Qitiqpaqhiutit Utuqauqpiqnit aqipyaktut uyaqattahamani Kilohigok Imaqaqniani, ilagiya taphuma Bear Uyagaliqutit Nunagiyat. Hikuqpiqhumnit hunat iliuqaqnit kingugut taphuma Hitamauyaahiqninut Wisconsin Hikuqpiqhimaniat ulikpiaqhugu tahamna Archean Uyagaliqutit Nunagiyat. Hikuqpaqhiimanit ilihimani piqaqniqhauyut attaqtuyunut ihugiyai uyagainauyut pihimanit (hikuqpiqhimanit nunan), tapkuat piqaqniqhan hiugaq allatqitlu aktilat nunat. Tamna Goose tamnalu George Havanguyut piqaqtut atatyutainik allatqiknit imugaqhimuyuyaqtut ahikukuyaqtutlu aqipyaktut uyaqat. Aqyaluyaqtut mikitqiyatlu maqlugalgit uyaqat avataaniittut akuttuyuniklu ilaliutyaqnit qaiqtuvaluknit iron piqaqnit tamnalu oxide piqaqnit iron piqaqtut. Tapkuat aqipyaktut piqaqtut akimun avguyaqtut hapuhimayauplutik, mikitqiyat ikitqiyaunit naptunit hapuhimanit, angitqitlu huvalangitni uyagainauqpiqnit piqaqni. Guulit havikhaqaqnit piqaqniqhauyut sulphide havikhanut, piluaqtumik qakuqtanguat, takukhauyut guulit nalvagaayut ilikuqtunik nunaitni amigaiqniqhauyumik qakuqtangualikni. Ahii sulphide havikhat (guuliqpaluktut guuliyuqaqtutlu) piqaniqhat tahamani nunatni iron piqaqnihaunini aqyalukniliknilu avataani tapkuat qakuqtanguaqaqpiqnit havikhaqaqnit. Tapkuat avikhimauyaqtut haputit piqaqtiangittut sulphide piqaqnit guuliqangittutlu havikhaqtainik.

Qiqumainaqniq

Tamna Havanguyut inilik tahamani qiqumainalikmi nigingani Nunavut. Ukiup ilaani auktuqnia auktuqattaqtut qaligiknia pihimayut atiqpiangani maniqap qanganit, atikniqhauyumik mikhaani 2 miitat. Maniqap atiqpiangani uunaqniq pihimaniaqhauyut tungani 0 °C ilutinini tikitlugu mikhaani 500 miitat ataani maniqap qanganit, kihimik ataaniungittut ilaitnit imaqaqniuyut itininginut avataani 1.3 miitat. Apqutigiplugit auktuqtaqnit iluvanut maniqami imaqaqniuyut pivaktut piqagutai ataani imaqaqniuyut attatunilgit avataani 200 miitat tamnalu 350 miitat talvani Goose tamnalu George Havakviit Nunat PDAs-ngi, tukligiknitigut. Qiqumaniqattaqtut naunainilgit piqaqniut talvani ataani qiqumainaqniup nalaanilu iluvani auktuqtaqniup, piplugu maniqami imaqaqniuyut qiqumainaqniup takukhaunia tagiuquqtugangat. Tamna atuqtutuqaq qiqumaqattaqniq talvani Goose Havakviani Nuna mikhaanittut 100 miitat ipyunia.

Nunat qanugitnit Nunatlu

Tamna Havanguyut inilik tahamani nunami piqaqniqhauyumi manikniqhami pinguqyuliknik amihuqpiqniklu tahivalulikni atatyutitgit kuugauyaqnik. Maniqap puqtunia allatqiktut akungani 300 tamnalu 700 miitat qulaanit tagiup puqtunianit (masl-nga) uvinganialu avatqulluayuita 7%. Puqtuniqni qaqaqniahauvaktut nunavaluknik hunanik (44% katitlugu PDA-nga) piqaqnia Qaiqtunik, aqilguvaluknik, qaiqtuinaqpiqniklu napauqtuniklunuiy uyaqanik. Hikuqpiqhimanigaqtut (9.5%), naulviuhimayut (6.5%), tagiuq (5.1%), tamnalu nunavalulgit (3%) piqaqnia piqangitniqhauyut. Hatqiumanit qaiqtut piqaqtut tahamani (5.2%) taphuma PDA-nga). Tamna ipyunia havikhalik nuna qanganittut qaiqtut (qaligiyat) puqtuniqhauyut maniqami uvingaluangittuqlu nunat (atuqpaknihaq 10.6 miitat) mikhivaliaplunilu maniktunut pinguqyuit allatqiknit nunat qanugitni (atuqniqhat 4.8 miitat).

Qaphit nunat nunaita qanugitni, ilautitlugit qimiit, uyagainait uyagaktunit qimiit, uyagaluqaqnit tahamaniittut nunagiyata RSA-nga. Niglamaniq hila piqatigiplugu qapgit nunat piqaqnit. Uunaqattaqnit atuqpakhimayut mihalukni allatqigutaayuyunut niaquptait ilutunitlu, tahapkuat pingugutaayut patukhimaninut ingutaqtaqnit hikuinangugutauplutiklu ataani piguqviuyuni. Patuktaqnit kaivyagikniqhauvaktut (1 tikitlugu 3 miitat akimun) quglukniuyut maqluit pinguqtauyut patuktaqnit ingutaqninnut. Tamna Havanguyut inilik tahamani qiqumainaqniani. Qiqumainaqniuyut ukiumilu atuqattaqnia qiqiqattaqnia auktuqattaqniqlu pityutaayut nakungittumik pivaliatitnia nuna. Mikhaani

malgunia-pingahuyaqninut tahamna qauyihagtauyut nuna taihimayut Huniumaitniq Qiqumaniuqattaqtut atauhiqlu-pigahuyaqniani Ingutaqattaqnit-qiqumaqattaqnit.

Huniumaititlugu ilitquhia nuna naunaiyaqni katitauhimayut tapkunani 51 inaitni tahamani LSA-nga tapkuatlu 20 inait hilataani RSA-nga 2012-mi. Amihuniqhat nunat piqaqtut pukitniqhanik ilaitnik hiqumaqluktut ahiquit (tungani 30%) tapkuatlu pukittut uyagauyaqtut (tungani 15%). Amihuniqhat nunat hiqumaqluyaqtut (nunagait, nunagapyait, nunagainapyait hiugaliat). Havikhat nunait tahamani nunaliqutini RSA-nga huguilaqniqhat (akungani immap qanugitnia tamna 5.9. akutunilgit 4.7 tikitlugu 6.8). Atuniquhauyut nunat haviktait katihiimanit tahamani LSA-nga avatqungittut CCME naunaipkutainik, huguilat puqtunit pilat ilitquhit-puqtuhivaliqnit (avataanut tapkuat CCME nunat naunaipkutait havakviknut atuqnit) tahamani George PDA-nga.

Nauhimayut Qanugitnilgitlu Nunat Qanugitni

Nunaliqutit uumatyutauyut nunaulyaliuqni (TEM) takuttigittutlu nauhimanit naunaiyaqni havaktauyut 2012-mi tahamani 134,370 ha nauhimanini nunaliqutitlu angutikhait LSA-nga. Nauhimayulgit uumatyutauyut, ilalgit 73% tapkunani LSA-nga, piqaqniqhat natiqnainaq, paniumayut-akuttuyut natiqnait, kinipanitlu uqpigalgit natiqnait. Tahamna kinipaniq natiqnaq piqata, ilalik haniani atauhiqmik pingahuyaqnia tahaphuma LSA-nga, piqaqhuni attaqutuyunik nunat piqaqniqhat mikiyunik avalaqianik, piqaqpiqhuni aalatqinik ilagiyainik nunagiat, ivaluit, uqyut, ikhutitlu. Akuttuyut-nauhimanit uumatyutauyut, ilalgit haniani 9% katitlugit LSA-nga, atuqpakniqhaq pinia hattuni uyagaliat piqaqnit hatqiumaniluniit qaiqtut, anuqimit manikhiyaunit qimiit, niaquptainait natiqnait, tagiumi hinigiyait ahiilu maniqami inait nauhimalaqnilgit pihimanit. Naunhimayuilgut uumatyutit, ilalgit mikhaani 18% tahamna LSA-nga, piqaqniqhat imatqiktumik tahiit tahigaitlu. Alangayut nunat qanugitnit, naunaiqtauyut atuqpiqninut angutikhat nayuqpaktai ikayuqhiutilatluniittakuttigittut nauhimanit allatqit, ilautitlugit qimiit pihimaqpiqnait, imnait, qaiqtuqaqnit ikhutyqaqnitlu-piqaqpiqnait uumatyutit, manilgut uumatyutit, mihaluqaqnit uumatyutit, tagiumilu hinanittut hinaanilu tikiqiumanittuqat. Katitlugit 890 nautiat allatqit naunaiqtauyut atuqtitlugu tamna TEM-nga takuttigittutlu naunaimaviuyut maniqat naunaiyagauyut tahamani LSA-nga tamnalua RSA-nga. Tamna anginiqpaq alatqit ilagit naunaiqtauyuni nautiaq tapkuat auliit nauhimayut, kinguanilu mikiyunnuit nunagait. Naitit takuttigittut nauhimayut allatqit naunaiqtauyut nalvagauniqhauyutlu haniani hinaanit Kingaok tahamuunalu LSA-nga tamnalua RSA-nga. Tikittayuittut nauhimayut allatqit naniyaungittut tahamani LSA-nga atuqtitlugu 2012-mi maniqami naunaiyaqnit.

Pilat Havanguyut aktuanit tahapkununga VEC-ngi nauhimayut allanganitlu nunap qanugitni ilalgit tugaqpiqhugit tamaini nungutpalianilu nauhimayut allanganitlu nunat qanugitni. Tahapkuat pilat aktuanit naunaipkutilgit atuqhugit naunaipkutai allatqiknit, piguqpalianit, nunguttailinitlu. Tapkuat ihuaqhigiagutit aulanilu piyauni hanatyuhikhat piiqninut mikhigiaqniluniit pilat Havanguyut aktuanit nauhimayunut alangayutlu nunat qanugitnit ilalgit: mikhigiaqni tapkuat Havanguyut tupligaqnia, atuqni ukiumi apqutit, mikhigiaqnilu ahinuktaqni puyuit ayuqnaittagangat.

Kinguagut tamna tukhigaut ihuaqhigiagutitut aulanilu piyaunit, malguk qimaiviuninut aktuanit naunaiqtauyut: nauhimayut tammait, allangayut nunat qanugitnit tammait. Tahapkuat qimaiviunit aktuanit piplugit tapkuat ihumaginit tapkuat tamaita PDAs-nga tammaiyaunianinut. Atupiaqtut, tamna nuna nauhimayulik/allangayut nunat qanugitnit tammait mikitqiyauniat piplugu hiamakpalaqtailini kinguliqpamik tunmigaqtaunit taphumanga Havanguyut. Tapkuat anginit tapkuat qimaiviunit aktuanit nigiyaguyut angilaitnik, tamna hivitunia pivikha, tamna akulaitnia atuqinaliqat/hunilaqnia, tapkuatlu qimaiviuni aktuanit hiamalaitni tahaphumunga Havanguyumun tupligaqninut PDA-nga). Tapkuat qimaiviuni aktuanit ihumagiyaqutit utilaiqninik: kihimik pilaqgunaqhiyuq utiqtitauunit umiaqtitlugu. Atugahuqunait tapkuat atuqpalianit ihuaqhigiagutit piyauni titigaqhimayut tapkunani Aniqhaktavaktup Qanugitnia Munaginia Aulataunialu Upalungaiyaqnit (Makpigaq 10, Taiguaq 17)

tapkuatlu Havakvikmi Imaq Munagiyaunia aulanilu Uplaungaiyautit (Makpigaq 10 Taiguaq 7), tapkuat angipyaktut qimaiviunit aktuanit nauhimayunut allangayutlu nunat qanugitnit nalautagauyut **Angivalangitnit**.

Pilat katittaqninut aktuanit naunaiyaqni havaktauyut piplugit qimaiviunit Havanguyuyuk aktuanit nalautagauyut. Tapkuat naamaktumik piniagahugiyauni Hackett Kuugaq Havanguyuyuk tamnalu Kingaok Tulaktaqvik Apqutlu (BIPR-nga) havanguyuyuk atuni inikhaqagialgit tamnalu/tamnaluniit avatqutautilitutik tahamunga nunaliqutainut RSA-nga. Ilagiplugulu taphuma Havanguyuyuk qimaiviunia aktuanit nauhimayunut tammait tahamani PDAs-nga, mikhautauhimayuk 370 hectares katiquhuhimanit tamugaluktauninut tammait tahamani nunaliqutit RSA-nga pityutaulaq pivaliatitauniqmun havagutainut apqutitlu piqatai tapkuat uuktugutauyut Hackett Kuugaq Havanguyuyuk tamnalu BIPR-nga Havanguyuyuk. Tamna angininga tapkuat nigiyugayuyut katiquhuhimanit aktuanit pukittut (tungani 1% tapkuat RSA-nga), atuqtitlugu hivituyumik, akulaitnia atauhiqhinnalugu kihimik atuinaqniaq/hunnalaittumiklu, katiquhuhimanilu aktuanit iluaninginaqtitlugit havanguyuyup tupligaqtainut atuni havanguyuni. Tamna angipyaknia qimaiviunit aktuani (nauhimayut tammait) tahamunga VEC-nga nauhimanit allanganilu nunap qanugitni nalautagauyut **Angivalangittut**. Tapkuat Havanguyuyut katiauhuhimanit aktuani katiquhuhimayutlu aktuanit iluaninginaqlutik tahaphuma PDA-nga havanguyuyup tupligaqtanut pilatlu hivunikhami havanguyut iluani taphuma RSA-nga. Tahapkuat nunat tahamaniittut tamaita Nunavutmi, taimaittumik piittut nunaqatigingittut aktuaninik.

Tuktut

Piqaqtuq pingahunik iluilikmiunik tuktut amihuaqyuit aulaqpaktut avatqutaqhugit nunaliqutauyut RSA. Qangattaqhimayut qunguhiaqtaqitugit tuhakhat titigaqhimayut tapkuat Kingaok amihuaqyuit tahamani nigingani ilagiyani tapkuat nunaliqutit RSA atuqniqhautitlugu nugiuaqtitlugit pivigiyat, tapkuatlu Beverly amihuaqyuit (tapkuanguhimayugaluit Ahiak amihuaqyuit) anniyayut nunaliqutani RSA-nga, atuqniahamik auyauhuiqhaliqtitlugu ukiakhalihamilu. Qanugitni tingmitikkut naunaiyaqnit havaktauyut akungani 2001 tamnalu 2010 atuqnilu inmingnik ikittalat piksalugutit tahamani RSA-nga nalaanilu nigingani tahaphuma RSA-nga naunaigutauyut qanugitnit qangattaqhimayunut qunguhiaqtautit tutugakhat. Tapkuat ukiumi hiamaktihimanit Dolphin Unionlu tuktut avatqutaqutit tahamunga tagiumi RSA-nga mikiyumiklu uiguplugu ukiungutitlugu. Tapkuat Dolphin Unionlu amihuaqyuit tapkunani SARA-titigaqhimayut uumayut allatqit ihumalugiyauni pititlugit Kingaok amihuaqyuit tapkuatlu Beverly amihuaqyuit naunaiyagaungittut tapkunanga COSEWIC.

Qanikkut naunaipkutit piyugiyat ukiungani uumanit pityutiqlat niqikhaqhiuqninut qanugitnit nugiuaqtitlugit auyamilu aulaqpaknit. Angiyumik nauhimayut uumatyutaunit, pigiaqnagiqnilu upluit kinguvaqtaqnilu upluit piguttiaqnit nauhimayut, puqtuniqhamiklu qanugitnit piguqhimayut tahapkuat tikitpakninut ukpigiyauqhahat ihuaqutauni tuktut piguqhaqninut iplauqaqnilu akkuttuni atuqtitlugu auya-ukiakha pivigiya nugait:kulavait amihunit ukiukhami. Nayuqpaktai huniumaitnit uuktutaunit nunaliqutit RSA-nga titiqhimanit piqaqnit angipyaktunik nakuunit nayuqpaktai tuktut nigiuqtitlugit (52%), nugiuaqtitlugit auyamilu (86%), ukiamilu (59%) pivigiyai kihimik naunaiqtakhat tapkuat Kingaokmi tapkuatlu Beverly tuktut pihimaittahamani RSA-nga ukiungani tamaat. Qanugitni piqaqnit tikkuqaqtaqni uuktutaayunut tapkuninga Kingaok amihuaqyuit nugiuaqtitlugit auyamilu aulaqpaknit naunaigutauyut tahapkuat nunaliit avikhamani avataani Tahiqyuaq tamnalu Nose tahiit (tapkuat inilgit avataani 100 kilaamitat 60 kilaamitatlu ungahiknit tahamanga RSA-nga, tukligiknitigut) avatainilu angiyut kuugat nunauyut atuqtauniqpat tuktunit. Tahamani nugiuaqtitlugit aulaqpalnini, Kingaok tuktut pivakniqhai nugiunqhahavit nunat manigainqmingitniqhauplutik nauhimayuilgunilu, tahapkuatlu avalaiaqaqninuit uqyulgitlu nunat. Auyautitlugu, nunat anuhimayuyattiangilgut tahapkuatut natiqnait nauhimayuilgutlu mihaluqaqniuyut nunat, tahapkuatut mihaluit kinipaniqhatlu uqyuqaqnit maniqat, pittailiyayut.

Pilat Havanguyuuq-tuganganit aktuanit tapkuat VEC-ngi tuktut ilalgit Havanguyuuq huliniit ahiangugutaulat tahapkuat naunaipkutait: nayuqtauvaktut tammait, ulapihaqnit nipituniqmun, ulapihaqnit ingilgayaqniqmun, tugaqpiaghugit tuqutaunit aaniqnitlu, tugaqpiaghimaittumik tuqutaunit, upagumanit, hatqiumanilu halumailgunut, ikikligiaqni nugiuqnit. Ihuaqhigiagutit aulataunilu piyauni atquniat piiqninut mikhigiaqniluniit pilat aktuanit ilautitlugit mikhigiaqni Havanguyuuq Tupligaqni, nipikhigiaqgahuaqni, kayumaqpalaqtailini, atuqnilu ukiumi apqutit, iqakut aulanit avugiyauyutlu tiguttaqninut piyauni tikittaqtailitalutik angutikhanit iqakunut pittailinilu hatqiumani halumailgunut, atuqpalianilu tapkuat Anutikhat Ihuaqhigiaqtaqnit Munaginilu Upalungaiyautit (Makpigaq 10, Taiguat 20).

Kinguagut taphuma tukhigaut ihuaqhigiagutininut aulanilu piyauni, pingahut qimaiviuyut aktuanit naunaiqtauyut: nayuqtauvaktut tammait, ulapihaqnit piplugit nipituniq, ikiklivaliqni nugiuqnit. Tapkuat anginit tamaita pingahut qimaiviunit aktuanit nigugiyauyut huvalangitnit, akuniutigini akungani hivitunit (kikiligit piplugit atukhaqnia Havanguyuuq) nigugiyauyut nayuqtauvaktut tammait tahamani taihimayuni nunani Havanguyup tupligaqtainut tapkuat hivituyulat. Tapkuat aktuanit akuttulat pihimani, tahamaninginaqlutiklu Havanguyup tupligaqtaini nayuqtauvaktut tammaiyauninut, tamna LSA-nga nipituniup ulappihaqninut, pilaqnitlu tapkuat RSA-nga ikiligianinut nugiuqnit. Tapkuat qimaiviuni aktuanit nigugiyaukmuyut utiqtilaiqnit kihimiuyuuq nayuqtauvaktut tammait tahamani taihimayut nunait Havanguyup tupligaqnit. Atugahuqunut atuqpaliani ihuaqhigiagutit piyauni titigaqhimayut tapkunani Angutikhat Ihuaqhigiaqni Munagiyaunilu Upalungaiyautit (Makpigaq 10, Taiguat 20), tapkuat angipyakni qimaiviuyut aktuanit tutunut nalautagaayut **Angivalangittut**.

Pilat katiqhuqninut aktuanit naunaiyaqni havaktauyut piplugit qimaiviunit Havanguyuuq aktuanit nalautagaayut (nayuqtauvaktut tammait, ulapihaqni, ikikligiaqni nugiuqnit). Tapkuat nunaliquatauyut kikligiyai atuqtauyut pilaqninut katiqhuqlugit aktuanit naunaiyaqni piplugit nugiuqaqtitlugit auyamilu aulaqvigivaktai tapkuat Kingaok amihuaqyuit auyamilu ukiumilu aulaqvigivaktai tapkuat Beverly amihuaqyuit, ilautitlugit nunat tahamani Nunavutmi Nunatsiaqmilu. Titigaqhimanitigut tapkunani EIS-ngi naunaipkutat (titigaq upluliqhimayuuq Tisaipa 17, 2012). (NIRB 2013a), tamna Minihitauyuuq Nunaqaqaqtunut Ukiuqaqtumilu Pivaliayuliginiq Kanatami uqauhigiyai atuqpiagut tapkuat Kingaok amihuaqyuit tuktut tahamani nunaliit avikhimaniani naunaiqnilu piyaaqaqnit havagini katiqhuqhimani aktuanit naunaiyaqni ukununga amihuaqyuit (titigaqhimayuuq upluliqhimayuuq Tisaipa 17, 2012). Pigaqtuuq 10 pilaqnit havanguyut (ilautitlugit 4 pilaqnit hivunikhani havanguyut) aktiqhugutaulat tapkununga Havanguyuuq qimaiviunit aktuanit tahamani Kingaok amihuaqyuit katiqhuqnit naunaiyaqni nuna, tapkuatlu 5 pilat havanguyut (ilautitlugit 3 atulat hivunikhani havanguyut) katiqhugutaulat taphumunga Havanguyuuq qimaiviuni aktuanit tapkunani Beverly amihuaqyuit katiqhuqhugit naunaiyaqni nunat.

Ikayuqhiutinahuaqhugit pilaqnit katiqhuqhugit aktuanit naunaiyaqni tuktut, attaqtuymiklu Pigaqnit Tikuaqtauni Havangit uuktugautit pivaliatitauni tapkununga Kingaok tuktut amihuaqyuit nugiuqaqtitlugit auyami aulaqvigivaktai. Qanugitni ukuat uuktugautit atuqtauyut naunaigahuaqhugit humut tuktut nalvagauvaknit aulaqpaktaini, qanugittutlu nayuqpaktai atuqpaknit tahapkunani aulaqpaktaini. Tapkuat uuktugautit atuqtaukmuyut naunaiqninut nayuqpaknit qanugitni uuktugauti nauhimayunut naunaigahuaqhugit qanuqtut katiqhuqnit nayuqtauvaktut tammait ulapihaqnilu Kingaok tuktut niginiaqninut aulaqpakvit nunat, naliat tahapkuat atatyutai ukiuqhivigiyainut nugait uumaninut. Tapkuat anginit tamaita pingahut qimaiviuni aktuanit tamatkiknut tuktut amihuaqyuit nigugiyauyut huvalangitni, akuniuni akulliqhiutauyut (tahamaninginaqnit atuqnianut taphuma Havanguyuuq) kihimik tahapkuat nayuqtauvaknit tammait tahamani taihimayumi nunat havanguyup tupligaqnit, akuttuyumik ilitquhit, tahamaninaqlu nunalit nunagiaini nayuqtauvaktut tammait nipitunitlu ulapihaqni, atulaqnilu tapkuat katiqhuqnit naunaiyaqni nuna ikikligiaqninut nugiuqnit. Tapkuat qimaiviuni katiqhuqhugit aktuanit nigugiyaukmuyut utiqtitaulaitnit kihimikluniit nayuqtauvaktut tammait tahamani taihimayumi nunat havanguyup tupligaqnit. Piplugit atuqpaliani ihuaqhigiagutit piyauni titigaqhimayut tapkunani Angutikhat Ihuaqhigiaqni Munagiyaunilu Upalungaiyautit (Makpigaq 10, Taiguat @)) piniagahuginilu ayyikkutapyainik

piyauni hivunikhami havanguyut, tapkuat angipyakni qimaiviuni aktuanit tuktut nalautagaayut **Angivalangittut.**

Tapkuat katiqhuqnit aktuani naunaiyaqnit akuttuyumik kiklikhait ilalgit ilagiainik tapkuat Nunatsiaqmi tamatkiknut Kingaok amihuaqyuit tapkuatlu Beverly amihuaqyuit. Taimaittumik, pilaqnit nunaqatigingittut aktuanit pioyayut tapkuat katiqhuqnit aktuani naunaiyaqni nalautagaayut **Angivalangittut.**

Akhait

Ilulikmi amigaitnit akhait kavamatuqatkutnit titigaqhimayut uumayut “Taihimanit Ihumalugiyaayut” (SARA; COSEWIC 2012) tapkuatlu titigaqhimayut Qanugililat Nunavutmi (CESCC 2010). Titiqnit-piyautqikni DNA huniumaititlugit ilitquhit naunaiyaqni havaktauyut 2012 naunaiqtait katitlugit 61 akhait tahamani RSA-nga ilagiplugitlu 62 akhait naunaiqtauyut aktikkutapyait naunaiyaqviani nuna tugangaqpiagtut nigingani tahaphuma RSA-nga. Tualut akhait avatqutyutitaqtut tamatkikni RSA-nga tahamnalulu nuna nigingani. Tapkuat atuqpakniqhat ungahiknit aulagiat tahapkunanga akhait akungani Mai Aagasilu tamnauyuq 25.7 kilaamitat aqnaluqnut akhait (anginiqhamik 65 kilaamitat), 42.5 kilaamitat anguhaluqnut akhait (anginiqhamik 138 kilaamitat) tamnalulu 32.6 kilaamitat akhaqnut aulaqnit ilaginit (anginiqhamik 84.8 kilaamitat). Upingami, naunaiqnit akhait atuqpakniqhauyut tahamani pinganaani ilagiaini RSA-nga tahamani kuugagiknit haniani. Auyautitlugu ukiakhamilu, akhait anunaiqnit ayyikkiktumik hiamaumayut RSA-ngani. Hltamat akhait hitai titiqtauyut tahamani nunaliquit angutikhat RSA-nga akungani 2007 tamnalulu 2012 - malguk inait tahamuna Nigingani Kuugaq aulagianga huiqakut hikuqpiaghihamia nunagiaini nayuqtauvaktut malguklu inilgit uvingayaqniqmi, ikhutyagtumi maniqami nayuqpaktait mikhaani 20 kilaamitat talvanga George Havakviani Nunani. Nayuqpaktat piyuminaiqniqhat uuktugauvakni tahamani RSA-nga naunaiqhimayut piqaqtut akungani 57% tamnalulu 76% nayuqtauyuminaqniqpat tahamani RSA-nga upingami, auyami ukiakhamilu, kihimik tungani 2% hitiqaguminaqnia nayuqtauvaknia.

Pilat Havanguyuyug-tugangani aktuanit tahamunga VEC-nga akhait ilalgit Havanguyuyug hulini ahiangugutaulat tahapkununga naunaigutainut: nayuqtauvaktut tammait, ulapihaqni piplugit nipitunit (naunaipkutagiplugit, ahityiqnit nunanit nayuqtauvaktunit), ualpihaqni ingilgayunut, tugaqpiaghugit tuqutnit aaniqnitlu, tugaqpiaghiamaittumik tuqunit, upakhigauninut, hatqiumanit halumailgunut, ikiklivaliqni piagaliuqnit. Ukiumi apqutit ilaungittut tahapkununga naunaiyaqninit piplugit akhait hitimingnitmata tahapkuat apqutit hanayautitlugit atuqtitlugitlu. Ihuaqhiagiagutit aulanitlu piyauni atuqniat piiqnit mikhigiaqnilu pilat aktuani ilalgit mikhigiaqni Havanguyuyup tupligaqnit, nipittuqpallaqtailini piyauni, kayumaqpallaqtailini piyauni, atuqni ukiumi tikittaqvut apqutit kihimik, iqakut aulanit avugiayuvaktutlu tiguttaqnit piyauni upaktauyumattailiplugit angutikhanit iqakunut hatqiumattailinilu halumailgut, atuqpaliani tapkuat Angutikhat Ihuaqhiagiaqni Munagininitlu Upalungaiyautit (Makpigaq 10, Taiguag 20).

Kinguagut tapkuat tukhigautit ihuaqhiagiaqni aulanilu piyaunit, hitamat qimaiviuni aktuani naunaiqtauyut: nayuqtauvaktut tammait, ulapihaqni piplugit nipitunit, upaktauyumanit, ikikligiaqni piagaliuqnit. Tapkuat angiqpiaqnit tamaita hitamat tapkuat qimaiviuni aktuani nigiugiyaayut huvalangitninut, tamna hivitunia akulliqhiuqtuq pivikha (tahamaninaq atuqniani taphuma Havanguyuyup) kihimiungittuq nayuqtauvaktut tammait tapkuat hivituniat tahamani taihimayumi nunani Havanguyuyumi tupligaqtaini, akuttuyut ilitquhit, tahamaninginaqni Havanguyuyup tupligaqtaini nayuqtauvaktut tammait upaktauyumanitlu, tapkuatlu LSA-nga nipituvakniqnut, pilaqnilu RSA-nga ikiligiaqni piagaliuqpaknit. Tapkuat qimaiviuni aktuani nigiugiyaumiyuttauq utiqtitaulaitnit kihimik tapkuat nayuqtauvaktut tammait taihimayumi nunani Havanguyuyumi tupligaqtainut. Tugahuqunat atuqpaliani tapkuat ihuaqhiagiagutit piyauni titigaqhimayut tapkunani Angutikhat Ihuaqhiagiaqnit Munagiyauninutlu

Upalungaiyautit (Makpigaq 10, Taiguaq 20), tapkuat angipyaknit qimaiviuni aktuanit akhaqnut nalautagauyut **Angivalangittut.**

Pilaqnit katiqhuqhugit aktuanit naunaiyaqni havaktauyut piplugit hitamat qimaiviunit Havanguyuy aktuanit nalautagauyut. Tapkuat nunaliquutinut kikligiyai atuqtauyut pilaqnut katiqhuqhugit aktuanit naunaiyaqni piplugit uigugiaqnit avataanut Havanguyuy havagutai atuqhugu attaqtnia anginiqpaq nuna tahamani akhait aulaqpaknit hulilu takuyauttaqni tahamani Hanningayuy Kuugaq Havanguyuy. Piquqtuq laivanik pilat havanguyut (ilautitlugit hitamat pilat hivunikhami havanguyut) tapkuat katiqhuqviulat Havanguyumut aktuanit Akhaqnut tahamani katiqhuqviuni aktuanit kikligiyai huvalangittut, tapkuat akuniuni akuniquhiqtut hivitunit (tahamaninaq atqutauniani tamna Havanguyuy) kihimiuyuy nayuqtauvaktut tammait taihimayuni nunat havanguyup tupligaqtaini, akuttunit ilitquhit, tahamaninaqlu nunaligiyat nunani nayuqtauvaktut tammait nipituninutlu ulapihaqnit, pilatlu katiqhuqviunit naunaiyaqni nunat ikikligiaqninut piagaliuqnit. Tapkuat qimaiviuni aktuanit nigugiyayuy utiqtitailaitnit kihimiugaluqtitlugu nayuqtauvaktut tammait taihimayuni nunat havanguyumut tupligaqnit. Atugahuqunut atuqpaliani piyauni titigaqhimayut tapkunani angutikhat Ihuaqhigaiqni Munaginilu Upalungaiyautit (Makpigaq 10, Taiguaq 20) piniagahuquginilu ayyikkutapyai piyauni hivunikhami havanguyut, tapkuat angipyaknit katiqhuqnit aktuanit akhaqnut nalautagauyut **Angivalangittut.**

Tapkuat katiqhuqnit aktuanit naunaiyaqni akkuttuyunut kikligiyai ilalgit ilagiya tahamna Nunasiaq akhaqnut nigugiyayuyulu anginiqpaunia nuna kitutliqak akhait takuyauttaqninut Havanguyumi. Taimaittumik, tapkuat pilaqni nunaqatigingittut aktuanit pihimayut tapkunani katiqhuqnit aktuanit naunaiyaqni nalautagauyutlu **Angivalangittut.**

Umingmait

Umingmait anginiqhat nunatuqtiuyut tahamanittut amigaitpalangittumik ikittupyaktut humiliqak tahamani Kanatamiuni Ukiuqtaqtuani pinnagiyayutlu Inuit piquqnit niqikhanut, nagyuit, qiviungilu, tahapkualuttauq niuvgutaunit aulaqtitaqni niqit. Tingmitikkut huniumaititlugit ilitquhit naunaiyaqni havaktauyut akungani 2001 tamnal 2010 titiqhimayut tapkuat umingmait pivakni ikittupyauyut tahamani RSA-nga. Umingmait takuyauttaqtut ikittut, pinguaqyukni, tahamani nigingani Kingaok malguknilu ahiini amihuaqyuit pilat haniani Havanguyup, atauhiq kanangnata pingangnani taphuma George Havanguyuy Nuna aipaalu haniani Goose Haavnguyuy Nunani. Nayuqtauvaktut naamaktut uuktugaqninut tahamani RSA-nga naunaiqhimayut immaqak atauhiq-pingahuyaqniani tahaphuma RSA-nga nakuqpiqtuq nayuqpaktat umingmait atuqtitlugit tamatikni niginiqviuyuni (auyami ukiakhamilu) ukiumilu (ukiuq upingalihaqtitlugulu) ukiup ilaini.

Pilat Havanguyuy-tuganagyut aktuanit tahamunga VEC-nga umingmait ilalgit Havanguyuy huliniit ahiangugutaulat tahapkununga naunaipkutaqnut: Nayuqtauvaktut tammait, ulapihaqni piplugu nipitunit, ulapihaqni ingilganiqmut, tugaqpiqhugit tuqtauni, upaktauhiqnit, hatqiumani halumailgunut, ikikligiaqni umingmaliuqnit. Ihuaqhigaiqni aulanilu piyauni atuqtauniat piiqninut mikhigaiqninut pilat aktuanit ilalgit mikhigaiqni Havanguyuy tupligaqni, nipittuqpalatqailini piyauni, kayumaqpalatqailini piyauni, atqunilu ukiumi tikittaqni apqutit kihimik, iqakut aulanit avugiyauvaktutlu tiguttaqnit upaktauyumattaqlininut angutikhat iqakunut hatqiumattailinilu halumailgunut, atuqpalianilu tapkuat Angutikhat Ihuaqhigaiqni Munaginilu Upalungaiyautit (Makpigaq 10, Taiguaq 20).

Kingaugut tukhigaiqni ihuaqhigaigutit aulanilu piyauni, pingahut qimaiviuni aktuanit naunaiqtauyut: nayuqtauvaktut tammait, ulapihaqni umingmaliuqninut. Tapkuat angiqpiqnit tamaita pingahut qimaiviunit aktuanit nigugiyayuy huvalangitnit, tapkuat akuniutigini akuniquhiqtut hivituni (tahamaninaq atqutauniani tamna Havanguyuy) kihimiungittuq nayuqtauvaktut tammait tahamani taihimayumi nunat

Havanguyup tupligaqninut tapkuat hivitulat. Tapkuat aktuanit akuttulat ilitquhit, tahamaninaqlu Havanguyup tupligaqniani nayuqtauvaktut tammaininut, tamna LSA-nga nipituniqnut ulapihaqnit, pilaqnilu tapkuat RSA-nga ikikligiaqnit umingmaliuqnit. Tapkuat qimaiviuni aktuanit nigiyugiyaukmuyuttauq utiqtitaulaitnit kihimiutitlugu nayuqtauvaktut tammait tahamani taihimayuni nunat Havanguyup tupligaqtaini. Atugahuquqnit atuqpaliani ihuaqhigiagutit piyauni titigaqhimayut tapkunani Angutikhat Ihuaqhigaiqni Munaginilu Upalungaiyautit (Makpigaq 10, Taiguaq 20), tapkuat angipyaknit qimaiviuni aktuanit umingmaknut nalautagayut **Angivalangittut**.

Pilaq katiqhuqninut aktuanit naunaiyaqni havaktauyut umingmaknut piplugit pingahut qimaiviunit Havanguyup aktuanit nalautagayut. Tapkuat nunaliquitinut kikligiyai atuqtauyut pilaqninut katiqhuqhugit aktuanit naunaiyaqni pihimayut tapkuat attaqtunianut avataani taphuma Havanguyup atuqhugit takiniqpaq akimuinaq ungahiknia aulaqhugu tapkunanga qunguhiaqtauhiqhimayut umingmak tahamani nigingani Kitikmeotni. Pigaqtut 12 pilaqnit havanguyut (ilautitlugit tallimat pilaqnit hivunikhami havanguyut) katiqhuqviulat taphumunga Havanguyumun qimaiviunit aktuanit tahamani umingmait katiqhuqhugit aktuanit naunaiyaqni nunat. Tapkuat anguiqpiqnit tamaita pingahut tapkuat qimaiviuni aktuanit umingmaknut nigiyugiyauyut huvalangitnit, tapkuat akuniuni akuniqhiuqtut hivitunia (tahamaninaq atqutauniani tamna Havanguyup) kihimiungittuq nayuqtauvaktut tammait tahamani taihimayumi nunat Havanguyup tupligaqninut tapkuat hivitulat. Tapkuat aktuanit akuttulat ilitquhit, tahamaninaqlu Havanguyup tupligaqniani nayuqtauvaktut tammaininut, nipituniqnut ulapihaqnit, pilaqnilu katiqhuqhugit naunaiyaqnianut ikikligiaqnit umingmaliuqnit. Tapkuat qimaiviuni aktuanit nigiyugiyauyut utiqtitaulaitnit kihimiuyup tapkuat nayuqtauvaktut tammait tahamani taihimayumi nunat havanguyup tupligaqninut. Atugahuquqnit atuqpaliani ihuaqhigiagutit piyauni titigaqhimayut tapkunani Angutikhat Ihuaqhigaiqni Munaginilu Upalungaiyautit (Makpigaq 10, Taiguaq 20) piniagahuginilu ayyikkutapayai katiqhuaqnit aktuanit umingmait nalautagayut **Angivalangittut**.

Akuakaiqhuqniaktani naunyaqnit atuninu kikliyit ilit lagiya tahamna Nunatsiaq maknu ngigiyauyup ilaqania anginiqpamik akimuinaq nahinia kamngmait takuttaaulqni taphumunga Havanguyup. Taimaittumik, apkuatpilaqnit nunagiyauyumun akutuanit pihimayut katiqhuqninut aktuanit naunaiyaqnit nalautagayut **Angivalangittut**.

Qalviit Mitqulgitlu

Qalviit aqyalkutlu amaqut kuaqayut pyutaninut mitqulgit uumayut allatqit tapkununga DEIS-ngi. Qalviit amaqutlu Nunavutmi tamatiknik taiyaayut “Naamaktut” (CESCC 2010), kihimik qalviit kavamatuqatkutni titigaqtauyut uumayut allatqit “Ihumalugiyauyut” (COSEWIC, 2003). Titiqtauyut-piyautqikni DNA huniumaititlugit ilitquhit naunaiyaqni havaktauyut qalviit 2012-mi naunaiqtauyut katitlugit 12 qalviit tahamani 1,692 kilaamitat kikagiktumik nuna akungani taphuma Goose tamnalu George Havalviit. Mikiniqhamik titigaqtauyut nunat mikhautnit ilikkut qalviit aulaqpaknit talvanga 89 kilaamitat kikagiktumik tamnalu 264 kilaamitat kikagiktumik, atqupakniqhaupluni nuna 162 kilaamitat kikagiktumik. Anguhalluit qalviit pihimatqiyaunuaqtut anginiqhamik nunat atuqtai aqnalluniunganit (166 kilaamitat kikagiktumik aipalu 157 kilaamitat kikagiktumik). Nayaqpaktai naamaknit uuktugaqtauni qalviit naunaiqhimayut mikhaanittut 44.7% nakuuniqpamik nayaqpaktai tahamanni angutikhat RSA-nga. Aqyaluktut amaqut, tingmitikkut hitiqaqvit naunaiyaqni havaktauyut akungani 2007 tamnalu 2013 naunaiqtai aitnguyut atuqtut amaqut hitai inilgit tahamani angutikhat RSA-nga, tapkunanga tallimat nakuuyumik amaguaqaqtut. Nayaqtauvaktut naamaknit mikhaani 1% nakuuqpiqatut hitiqaqnit nayaqtauvaktut tahamani RSA-nga.

Pilat Havanguyup-tugangani aktuanit tapkununga VEC-ngi qalviit mitqulgitlu ilalgit Havanguyup huliniit ahiangugutaulat tahakununga naunaipkutainut: nayaqtauvaktut tammait, ulapihaqni nipituyunut, ulapihaqni ingilgayunut, tugaqpiqhugit tuqutaunit aaniaqnilu, tugaqpiqngitlugit tuqutaunit,

upakhiqni, hatqiumani halumailgunut, ikiklivaliqni amagualiuqnit. Ihuaqhigiaqgutit aulanilu piyauni atuqniat piiqninut mikhigiaqniluniit pilat aktuanit ilalgit mikhigiaqni Havanguyuy tupligaqni, nipittuqpalaqtailiniq piyauni, kayumaqpalaqtailini piyauni, atuqni ukiumi tikittaqninut apqutit kihimik, iqakut aulanitavugiyaувaktutlu tiguttaqnit piyauni upaktauhiqtailiugit angutikhanit iqakut pittailinilu hatqiumani halumailgunut, atuqpalianilu tapkuat Angutikhat Ihuaqhigiaqni Munagiyaunilu Upalungaiyautit (Makpigaq 10, Taiguaq 20).

Kinguagut tapkuat tukhigaqni ihuaqhigiaqgutit aulanilu piyauni, hitamat qimaiviuni aktuanit naunaiqtauyut qalviknut: nayuqtauvaktut tammait, ulapihaqni piplugit nipitunit, upakhigaunit, ikilivaliqnilu amagualiuqnit, malguklu qimaiviunit aktuanit naunaiqtauyut amaqunut: nayuqtauvaktut tammaitulapihaqnilu. Tapkuat anginiqpamik tamaita qimaiviunit aktuanit tamatkiknut qalviit amaqutlu nigugiyaуyut huvalangitnit, tapkuat hivituni akuniquhiqtut hivitunigiya (tahamaninaq atqutauniani tamna Havanguyuy) kihimiutitlugu nayuqtauvaktut tammait tahamani taihimayumi nunat Havanguyumut tupligaqnit tapkuat akuniulat. Tapkuat aktuanit akutulat ilitquhit, tahamaniitlugit Havanguyuy tupligaqnit nayuqtauvaktut tammait upaktauhiqnilu, tamna LSA-nga nipituvalaqtailiniq, pilaqnilu RSA-nga ikikligiaqnit qalvailuqni amagualiuqnilu. Tapkuat qimaiviuni aktuanit nigugiyaуkmiyut utiqtitaulaitnit kihimiulaqtitlugu nayuqtauvaktut tammait tahamani taihimayumi nunat Havanguyup tupligaqninut. Atugahuqunut atuqpalianinut ihuaqhigiaqgutit piyauni titigaqhimayut tapkunani Angutikhat Ihuaqhigiaqni Munagiyaunilu Upalungaiyautit (Makpigaq 10, Taiguaq 20), tapkuat angipyaknit qimaiviuni aktuanit qalviknut mituqlgitlu nalautagaуyut **Angivalangittut**.

Pilaqnit katiqhuqlugit aktuanit naunaiyaqni havaktauyut piplugit qimaiviuni aktuanit nalautagauninut. Tapkuatr nunaliquitit kikligiyai atuqtauyut pilaqgahuquninut katiqhuqhugit aktuanit naunaiyaqni piplugit aulaqpakninut ungahiknit taihimani qalviknut takuyaуvaknit Havanguyumit. Tapkuat qalviit uumani nunami ayyikkutagiya taphuma RSA-nga, kihimik ilalgit uigyaunit avataani TCWR-nga atatyutai. Amaqunut, una nuna pihimayuy auyami aulaqpaknit tapkuat Kingaok Beverlylu tuktut amihuaqyuit amaqunit maliktaуvakni tuktut angunahuaqtauni hanianittagangata Havanguyuy. Pigaqtuq pingahunik pilaqnit havanguyut (ilautilugu malguk pilak hivunikhami havanguyuk) katiqhuqviulat Havanguyumut qimaiviuni aktuanit tahamani qalviit katiqhuqhugit aktuanit naunaiyaqni nuna, fiftinlu pilat havanguyut (ilautilugit siksit pilat hivunikhami havanguyut) katiqhuqviulat havanguyumut qimaiviuni aktuanit tahamani amaqut katiqhuqhugit aktuanit naunaiyaqni nuna. Tapkuat angipiaqtumik tamaita qimaiviuni aktuanit qalviit mitqulgit nigugiyaуyut ikitnit, hivituni akuniquhiqtut hivituni (tahamaninaq atqutauniani tamna Havanguyuy) kihimiutitlugu nayuqtauvaknit tammait taihimayumi nunat havanguyup tupligaqnit, akuttuyut ilitquhit, tahamnaititlugit nunalit nunat ikikligiaqni piagaliuqnit. Tapkuat qimaiviuni aktuanit nigugiyaуyut utiqtitaulaitnit kihimiutitlugu nayuqtauvaktut tammait, ulapihaqni, upaktauhiqnit, pilaqni katiqhuqhugu naunaiyaqni nuna ikikligiaqni piagaliuqninut. Tapkuat qimaiviunit aktuanit nigugiyaуyut utiqtitaulainahugiyaуyut kihimiutitlugu nayuqtauvaktut tammait tahamani taihimayumi nunat havanguyup tupligaqnaini. Piplugit atuqpalianit ihuaqhigiaqgutit piyauni titigaqhimayut tapkunani Angutikhat Ihuaqhigiaqni Munagiyaunilu Upalungaiyautit (Makpigaq 10, Taiguaq 20) piplugitlu ayyikkutapyai piyauni hivunikhami havanguyut, angipyaktumik katiqhuqnit aktuanit qalviit mitqulgitlu nalautagaуyut **Angivalangittut**.

Qalviit takuqattagaulat Havanguyumi nigugiyaungittut aulaqnit Nunatsiaqmun, taimaitytumik nunaqatigingittut aktuanit qalviknut nigugiyaungittut. Tapkuat katiqhuqhugit aktuanit naunaiyaqni akuttuyumik kikligiyai amaqut ilalgit ilagiyainut Nunatsiaq. Taimaittumik, pilaqnit nunaqatigingittut aktuanit piyaуyut katiqhuqninut aktuanit naunaiyaqni nalautagaуyut **Angivalangittut**.

Tikitpaktut Tingmiat

Tikitpaktut tingmiat uplugiyailu hapuhimayaayut kavamatuqatkutnit *Tikitpaktut Tingmiat Maligait Piquyat* (1994) tapkuatlu *Nunavut Angutikhat Piquyat* (2003), tapkuat pittailiyai ahiguqtinqit tingmiat upluit tahapkuat atuqtautitlugit tingmianit, pittailini ulapihaqnit tingmianguqatigit tikitpaktut tingmiat. Piittuq uumayut allatqit tikitpaktut tingmiat tahamani RSA-nga titigaqhimayut uumayut nunguttailinit ihumalugiyauni malikhugit kavamatuqatkut *Uumayut Allatqit Nungitnahuquqnit Piquyat* (SARA 2002). Kihimik, pingahut imaqmiutat tingmiat qullitlu nunainaqmiutat tingmiat uumayut allatqit tahamani RSA-nga titigaqhimayut 'Qanugililat' malikhugit tapkuat CESSC taihimanit Nunavutmun (CESSC 2010). Tingmitikkut naunaiyaqni imaqmiutat tingmiat havaktauyut akungani 2007 tamnalu 2013 titigaqtai Kanatami ulluut pihimayut 80% tikitlugu 90% tamaitni naunaiqninut imaqmiutat tingmiat allatqit. Qaphit angitqiyat mihaluqaqniqmi, piluaqtumik kanangnata pinganani ilangani RSA-nga atuqtauyut ulluunit tikitpaktut aulagianginut, ihaviyuyutlu. Ilagiplugu, atuqniqhat nutqangaviunit inigiyai anunaiqtauyut itkalguni tahiqli hilatinuangani George Havakvik PDA-nga tahapkuat amigaittut ulluut mitqitlu takuqattagaayut tamatkikni upingami ukiakhamilu nutqangavigiyai naunaiyaqnit. Maniqakut naunaiyaqni nunainaqmittut tingmiat pityutai qaphiunit nunainaqmittut tingmiat (uumayut allatqit ilikkuqtutlu) amigaitniqhayut naunaiyaqninut tahamuna hinaatigut Kingaok, pitqiyayut ahiinit RSA-ngani. Amigaitnit mikhautayut 133 ± 9.8 nuainaqmittut tingmiat aqnallugit atuni kilaamitat kikagiktumik titigaqtauyut mihaluqaqniqni natiqnani nayuqtauvaktuni, tamnalu 94 ± 6.8 nunainaqmi tingmiat aqnallugit titigaqtauyut paniumaniqni nunainaqni nayuqpaktai.

Ilat Havanguyuyug-tugangani aktuanit VEC-ngi tikitpaktut tingmiat ilalgit Havanguyuyug huliniit ahiangugutaulat tahapkununga naunaipkutai: nayuqtauvaktut tammaitnit, ulapihaqni piplugit nipitunit, ulapihaqni ingilgayunut, tugaqpiaghugit tuqutaunit aaniaqnilu, tugaqpiaghimaittumik tuqutaunit, upakhiqninut, hatqiumanit halumailgunut, ikikligiaqnilu piagaliuqnit. Ihuaghigaiqni aulanilu piyaunit atuqtauniat piiqninut mikhigiaqnilu pilat aktuanit ilalgit mikhigiaqni Havanguyuyug tupligaqnit, nipituqpalagtailinit piyauni, kayumaqpalaqtailini piyauni, atqunit ukiumi tikittaqninut apqutit kihimik, iqakut avugiyauvaktutlu tiguttaqnit piyauni upakhigauttailininut angutikhat iqakunut halumailgutlu, atuqpalianilu tapkuat Angutikhat Ihuaghigaiqni Munaginutlu Upalungaiyautit (Makpigaq 10, Taiguag 20).

Kinguagut tukhigautit ihuaghigaiqni aulanilu piyaunit, malguk qimaiviuni aktuanit naunaiqtauyut tikitpaktunut tingmiat: nayuqtauvaktut tammaitnit, ulapihaqnilu. Tapkuat angiqpiaqnit tamatkiknut qimaiviunit aktuanit nigiyugiyayut huvalangitnit, tapkuat akuniunit akuniqhiuqtut hivituni (tahamaninaq atqutauniani tamna Havanguyuyug) ulapihaqninut hivituyumutlu nayuqtauvaktut tammaitnit tahamani taihimayumi nunat Havanguyuyug tupligaqnit. Tapkuat aktuanit akuttuniat ilitquhit, tahamaninaqlu Havanguyuyug tupligaqniani nayuqtauvaktut tammaitnit, tapkuatlu LSA-nga ulapihaqninut. Tapkuat qimaiviuni aktuanit nigiyugiyayut utiqtitaulaitnit kihimiuyug nayuqtauvaktut tammaitnit tahamani taihimayumi nunat Havanguyuyug tupligaqnini. Piplugit atuqpalianit ihuaghigaiqnit titigaqhimayut tapkunani Angutikhat Ihuaghigaiqni Munaginilu Upalungaiyautit (Makpigaq 10, Taiguag 20), tapkuat angipyaknit qimaiviuni aktuanit tikitpaktut tingmiat nalautagaayut **Angivalangittut**.

Pilaqnit katiqhuqhugit aktuanit naunaiyaqni havaktaungittut tikitpaktunut tingmiat pihimanit qanugitnit Havanguyuyug-tugangani aktuanit tikitpaktut tingmiat nigiyugiyayut kikliqaqnit tahamunga Havanguyuyug PDAs-nga, taimaittumik katiqhuhimayut aktuangitnit tikitpaktut tingmiat nigiyugiyangittut pininik. Taimattauq, nunaqatigittut aktuanit nigiyugiyangittut, piplugu Havanguyuyug PDAs-nga tahamaniittuq tamaat Nunavutmi.

Kaayuat

Tallimat tapkunani aitnit kaayuat allatqiknit atuqtitlugu angutikhat RSA-nga uumayut allatqit nunguttailinut ihumalugiyauyut. Tapkuat innait-upluqaqvut kaayuat maniqamilu-uplulgit naittumik hiutilgit ukpiit titigaqhimayut uumayut allatqit Taihimayut Ihumalugini tapkunani Atugakhaliat 1 tapkunani kavamatuqatkut *Uumayut Allatqit Piquyat* (Government of Canada 2013). Pingahut ilaliutihimani innait-upluqaqvut uumayut - tapkuat naktugalik, kilgaviit, kaayuatlu - titigaqhimayut “Qanugililat” Nunavutmi tapkunanga Kanatamiuni Nungunahuquqtut Uumayut Nunguttailini Katimayit SARA (CESCC 2010). Maniqami naunaiyainit nunainaqmi tingmiat naunaiqtauyut tapkuat maniqami-uplulgit kaayuat pivaktut akuttuyumik tapkunani angutikhat RSA-nga. Taimaittumik, huniumaititlugit ilitquhit kaayuat piyaunahuat nunaualiuqnit inigiyai innait-upluqaqvut kaayuat uplui, uuktugaqnilu piagaliuqnit piagaliuqtut aqnallugit. Tingmitikkut naunaiyaqni innait havaktauyut akungani 2002 tamnalu 2013 mikhaani 80% tahamani angutikhat RSA-nga. Katitlugu 147 kaayuat upluit inai piyut tahamani PDAs-nga, ilaliutiplugitlu saivat kaayuat uplut inait piyut tahamani 12 kilaamitat avataani taphuma PDAs-nga.

Pilat Havanguyuq-tugangani aktaunit tapkununga VEC-ngi kaayuat ilalgit Havanguyuq huliniit ahiangugutaulat tahapkununga naunaipkutai: nayuqtauvaktut tammait, ulapihaqni piplugit nipitunit, ulapihaqni ingilgani, tugaqpiaghugit tuqutauni, upakhiqnit, hatqiumani halumailgunut, ikiklivaliqni piagaliuqnit. Ihuahigiaqni aulanilu piyauni atuqtauniat piiqinut mikhigaiqninut pilaqnit aktuanit ilautitlugit mikhigiaqni Havanguyup tupligaqnit, nipittuqpalactailini piyauni, kayumaqpalactailini piyauni, atquni ukiumi tikittaqninut apqutit kihimik, iqakut aulanit avugiyauvaktutlu tiguttaqnit piyauni pittailinut upaktaqunit angutikhat, atuqpalianilu Angutikhat Ihuahigiaqni Munaginilu Upalungaiyautit (Makpigaq 10, Taiguaq 20).

Kinguagut tapkuat tukhigautit ihuahigiaqniqmut aulanilu piyauni, tallimat qimaivaiuni aktuanit naunaiqtauyut: Nayuqtauvaktut tammait, ulapihaqni, tugaqpiaghugit tuqutauni aaniaqnilu, upaktaunit, ikikligiaqnilu piagaliuqnit. Tapkuat angiqpiaqnit tamaita tallimat Qimaivaiuni aktuanit nigiyugiyauyut huvalangitnit, atuqtitlugu akuliqhiuqnit hivituni (tahamaninaq atqutauniani tamna Havanguyuq) kihimiutitlugu tapkuat nayuqtauvaknit tammait tapkuat hivitulat tahamani taihimayumi nunat Havanguyuq tupligaqni. Tapkuat aktuanit akuttuyumik ilitquhilgit, tahamaninginaqlutiklu Havanguyup tupligaqni nayuqtauvaktut tammait upaktauhinilu, tapkuatlu LSA-nga ulapihaqni, tugaqpiaghugit tuqutaunit aaniaqnilu, ikikligiaqnilu piagaliuqnit. Tapkuat qimaivaiuni aktuanit nigiyugiyauyut utiqtitaulaitnit utiqtitaulatliniit upaktaqhiqninut, piplugit kihimiungittuq nayuqtauvaknit tammait tahamani taihimayut nunat Havanguyup tupligaqnit. Atugahuquqnit atuqp[alianinut ihaqhiqniqni piyauni titigaqhimayut tapkunani Angutikhat Ihuahigiaqni Munaginilu Upalungaiyautit (Makpigaq 10, Taiguaq 20), tapkuat angipyaknit qimaivaiuni aktuanit kaayuat nalautagayut **Angivalangittut**.

Pilat katiqhuqhugit aktuanit anunaiyaqni havaktaungittut kaayuanut nunagiyani aktuqtauninut Havanguyuq-tugangani qimaivaiuni aktuqtaunit kaayuaqnut nigiyugiyauyuni kikkilgit iluani 12 kilaamitat avataani talvanga Havanguyuq havagutauyut piplugit piqatai anginiqpamik nigiyugini angilgagiyauyut tikitpaktai piagaliuqtut kaayuat. Ilahimaittut havanguyut tahamanitni 12 kilaamitat Havanguyuq PDAs-nga, taimaittumik katiqhuqhimaikkut aktuanit Havanguyuq kaayuanut nigiyugiyauyut piyauni. Taimattaug, nunaqatigingittut aktuanit nigiyugiyauyut, piplugu Havanguyuq PDAs-nga tahamaniitnit tamaat Nunavutmi.